

Oqaluuserisassanut nassuiaat

(Inatsisartut Siulittaasuat)

UKA2023-mut oqaluuserisassat ulloq 25. august nassiusuunneqarput. Apeqquteqaat aallaavigalugu oqallinnissamik siunnersuutiniq tunniussinissamut killissarititap kingorna oqaluuserisassat nutartikkat ulloq 15. september nassiusuunneqarput.

Oqaluuserisassani immikkoortoq 5: Siunnersuisoqatigiinnut aalajangiisartutullu ataatsimiititalianut ilaasortaatitassamik sinnisussaannillu qinersineq, ataatsimiinnermi kingusinnerusumut nuuttariaqarpoq, inassuteqaatinik avataaneersunik suli amigaateqaratta. Oqaluuserineqarfissaa nutaaq kingusinnerusukkat paasisutissiissutigineqarumaarpoq.

Inatsisartunut Naalakkersuisunullu ilaasortat oqaluuserisassat allangortinneqarnissaannik oqaaseqarfiginissaannilluunniit kissaateqarunik Inatsisartut ataatsimiinnissaat kingusinnerpaamik sapaatit akunneranik ataatsimik sioqqullugu siulittaasoqarfimmut saaffiginninnissaannik qinnuigineqarsimapput.

Suleriaatsitsinni § 4, imm. 1 naapertorlugu oqaluuserisassanut nassuiaat isumaqatigiinniutigineqarneq ajorpoq, taamaattumillu oqaluuserisassat pillugit naammagittaalliutit siulittaasoqarfimmut allakkatigut saaffiginnissutigineqartassallutik.

Taamaalillunga oqaluuserisassat akuerineqartutut isigaakka.

Ilaasortat uku akornanni taasisarnerit pillugit isumaqatigiissuteqartoqarpoq: